

**TŪPA SUINDAR**  
**ÑEHESA YANDEU**



# **TŪPA SUINDAR**

# **ÑEHESA YANDEU**

Guarayu

Publicado por  
El Instituto Lingüístico de Verano  
Cochabamba, Bolivia

1985  
1000 ejemplares

## Indice

Tūpa Rembiapo Yandeu. . . . .	1
Ñep̄s̄rosa. . . . .	7
Jesús Recocuer. . . . .	13
Esp̄ritu Santo. . . . .	17
Tūpa Ñehengagüer. . . . .	20
Yeruresa. . . . .	23
Tūpa Upe Mbahe Aposa. . . . .	27
Poroāsusa. . . . .	32
Cristo Rese Yande Guatasa .	37
P̄hañemoñeta Tupr̄sa. . . . .	39
Mendasa Resendar. . . . .	46
Ar̄ Ipa Vahe P̄pe Mbahe Oime Vaherã. . . . .	49

# TŪPA REMBIAPO YANDEU

## Tūpa yande raʔsusa

San Juan 3.16:

Supi eté Tūpa osaʔsú iteanga  
opacatu ava. Sese ombou  
Guahʔr ñepei vahe 'tocañʔ tēi  
eme che Rahʔr reroyasar  
yuvʔreco' oya, 'tovʔreco  
tecovesa apʔrēhʔ vahe'  
ohesave.

## **Tūpa iñero yandeu**

1 Juan 1.9:

Acoi yamombehuse yande  
angaipagüer Tūpa upe, ahese  
ahe omboura oñeroisa yande  
angaipa rese yandeu iyavei  
omoatirora opacatu mbahe-mbahe  
tēi yande sui. Esepia, ahe  
seco ñvi vahe.

## **Tūpa yande rāro**

1 Pedro 5.7:

Opacatu mbahe rese pe  
pñhañemoñeta atisa pemombehura  
Tūpa upe. Esepia, ahe pe  
rārosar ité secoi.

## **Tūpa yande rese secoi**

1 Juan 3.24:

Acoi yaroyase iporocwaita,  
ahese yaicora Tūpa rese; ahe  
avei secoira yande rese.  
Iyavei ahe ombou Espíritu  
yandeu. Ichui yaicua Tūpa  
secoi yande rese.

## **Tūpa porovasasa yandeu**

Efesios 2.8:

Oporovasasa pīpe pe pīsiro  
Jesús rese peyeroyase. Ndahei  
rumo pe recocuer sui tēi  
peñepīsiro, ahe rumo ombou  
porerecosa pēu.

## **Tūpa yande p̄t̄v̄i**

Santiago 4.6:

Ahe rumo yande p̄t̄v̄i catu  
oporoāsusa p̄pe. Esepia,  
icuachiapr̄i aracahendar p̄pe  
aipo ehi: "Tūpa oyamotarēh̄i  
ava\_oyeecombōvate ai vahe.  
Oip̄t̄v̄i rumo seco mbegüe  
vahe sāsusave" ehi.

## Tūpa yande monguerēhĩ

2 Corintios 1.4:

Ahe niha yande mbovĩhaño  
opacatu yande paraĩsusa pĩpe,  
yande avei evocoiyase  
yaicatura ava iparaĩsu vahe  
mbovĩha ãgua yuvĩreco. Ēgüe  
ehi eté Tūpa ombou vĩhasa  
yandeu, ahe avei yande  
yamondora yuvĩreco chupe.



## **Tūpa vīreco pīratasa**

San Marcos 10.27:

Evocoiyase omahe güemimbohe  
rese aipo ehi:

--Ava tēi upe rumo yavai  
aipo nungar mbahe apo āgua;  
Tūpa upe rumo ndayavaimi eté.  
Esepia, Tūpa opacatu mbahe  
mboavaisarēhī secōi --ehi  
Jesús.

## **ÑEPİSİROSA**

### **Ñepısırosa opacatu upe nara**

2 Pedro 3.9b:

Ahe rumo avıye eteprı güeco mbegüesa pıpe yandeu. Esepia, ndoipotai que ñepı yepe yande cañı tēi āgua; ahe rumo oipota opacatú tuprı ité yande recocuer ñecuñaro āgua.

### **Oipısı vahe Jesús opıha pıpe**

San Juan 1.12:

Opacatu rumo acoi oipısı vahe (Jesús) seroyasave yuvıreco, ahe chupe omondo ñecuñarosa Tūpa rahır seco āgua yuvıreco.

## **Opacatu yande angaipa**

Romanos 3.23:

Supi eté yande opacatu yayapo angaipa, ndayasupitĩi eté Tūpa reco porañetesa.

## **Tūpa omboyecua oporoaĩsusa**

Romanos 5.8:

Yepe yande angaipa viyar yaico yĩpĩndar, Tūpa rumo omboyecua yande raĩsusa; ombou Cristo imano āgua yande angaipa repĩrã.

## **Jesús ou angaipa viyar reca**

San Marcos 2.17:

Ahe rumo osenduse

iñemoñetasa, aipo ehi chupe:

--Ava nimarai vahe ndosecai  
eté oporoposano vahe,  
imbaheasĩ vaheño rumo oseca  
yuvĩreco. Che ndayui ava seco  
tuprĩ vahe reca; che rumo ayu  
ava yangaipa guasu vahe reca  
--ehi (Jesús).

## **Jesús oicua ava oyeupendar**

San Juan 10.27:

"Che remiaro ovesa rumo oicua che ñehe. Che avei aicua ahe yuvĩreco. Ahe evocoiyase che rupi oguata yuvĩreco" (ehi Jesús).

## **Jesús güeraño ité oporopĩsĩro vahe**

Los Hechos 4.12:

Ndipoĩ que ambuae ava sui poropĩsĩrosa, Jesús güeraño ité oicatu oporopĩsĩro.

Esepia, Tũpa nomboui ambuae aya tẽi co ïvĩ pĩpe yande pĩsĩro ãgua.

## **Jesús reroyasar güeraño oñepĩsĩro**

San Juan 3.36:

Opacatu ava vĩroya vahe Tũpa  
Rahĩr, vĩreco ité tecovesa  
apĩrẽhĩ; acoi ndovĩroyai vahe  
rumo, ndovĩrecoi chietera co  
tecovesa. Ahe rumo oipĩsĩra  
Tũpa ñemoĩrosa ipĩrata vahe  
ité yuvĩreco.

## **Angaipa manosa ombou yandeu**

Romanos 6.23:

Angaipa niha ombou manosa tēi yandeu, Tūpa rumo oporerecosa ombou tecovesa apīrēhī vahe yandeu yande Yar Jesucristo rese yande recose.

## **¿Mara yahera yañepīsīro?**

San Juan 5.24:

Supi eté aipo ahe pēu: acoi oyapīsaca vahe che ñehe rese, vīroya vahe avei che mbousar, ahe vīrecora tecovesa apīrēhī vahe; ndahei chietera imocañīprī. Esepia, osē manosa sui, oipīsī tecovesa.

## **JESÚS RECOCUER**

**Jesús ava rārosar avīye vahe**

San Juan 10.11:

"Che ité ava rārosar avīye vahe aico. Sese ayemoingatu tupri che recocuer mondo āgua ava cheundar repirā" (ehi Jesús).

**Jesús rupi yaicatu yayepota  
Tūpa upe**

San Juan 14.6:

"Che niha perī aico supi eté vahe iyavei tecovesa. Che rupi güeraño ité peyepotara che Ru upe" ehi (Jesús).



## **Jesús ombou p̄tuhusa yandeu**

San Mateo 11.28:

"Peyu cheu opacatu icuerai vahe. Che amondora pe p̄tuhu āgua" (ehi Jesús).

## **Jesús tesapesa ava upe**

San Juan 8.12:

"Che aico tesapesa ava eta upe. Acoi che rupi secoi vahe v̄irecora tesapesa omondo vahe tecovesa ap̄rēh̄i vahe iyavei ndaseco iri chietera p̄tumimbisa nungar mbahe-mbahe t̄i vahe p̄pe" ehi (Jesús).

## **Jesús noñecuñaroí vahe**

Hebreos 13.8:

Jesucristo recocuer  
noñecuñaroí vahe ité,  
yĩpĩsuive secoi apĩrēhĩ vahe.

## **Cristo angaipa recopĩsar**

1 Corintios 15.57:

Che rumo, "¡Avĩye ndeu!" ahe  
Tũpa upe. Esepia, ahe ombou  
angaipa recopĩ ãgua yandeu  
yande Yar Jesucristo rembiapo  
sui.

## **Cristo ou ava rese hañeco ãgua**

San Marcos 10.45:

"Aherã niha che, Ava Rĩquehĩr,  
ayu, ndahei ava che rese  
ihañeco ãgua; che rumo ayu ava  
rese chehañeco ãgua, iyavei  
amondo vaheerã che recocuer  
manosave ava eta repĩrã  
caruguar povrĩ sui senose  
ãgua" ehi (Jesús).

## **ESPÍRITU SANTO**

### **Espíritu Santo secoi yande rese**

1 Corintios 3.16:

¿Ndapeicuai vo pe yande Jesús reroyasar Tūpa rēta nungar yaico? I Espíritu niha secoi eté yande p̄ha p̄pe.

### **Espíritu yande reroguata**

Romanos 8.14:

Esepia, opacatu Tūpa Espíritu ombohe vahe, Tūpa rah̄r ité yuv̄irecoi.

## **Espíritu Santo yande mbohe**

San Juan 14.26:

"Espíritu Santo rumo,  
Poropĩtivĩisar, che Ru ombou  
vahe che rer pĩpe, ahe pe  
mbohera opacatu mbahe avĩye  
vahe rese. Pe momahenduha  
aveira opacatu pẽu che ñehe  
agüer rese" (ehi Jesús).

## **Espíritu rembiapo yande recocuer rese**

Gálatas 5.22,23:

Yayapose rumo Espíritu  
remimbotar, yande evocoiyase  
yayaaisura, yande rorivetera,  
yaicora mbahe tupri pipe,  
yande reco mbegüera,  
yaporoaisura yande reco  
aviyesa pipe, yamboyecuara  
yande cuaita mboaviyesa,  
yayemominiñora iyavei yande  
recorã rese yañearo tupriãra.  
Evocoi nungar yayapose, ndipoi  
eté que mborocuaita pipe yande  
yeamotarẽhi ãgua.

## TŪPA ÑEHENGAGÜER

### Tūpa Ñehengagüer reroyasa

San Mateo 4.4:

Jesús rumo omboyevî chupe:

--Icuachiaprî pîpe rumo  
aipo ehi: "Ndahei chira pan  
sui güeraño ava yuvîrecove.  
Ēgüe ehi rumo opacatu Tūpa  
Ñehengagüer reroya pîpe ava  
yuvîrecoversa yepi" ehi --ehiño  
chupe.

## **Tūpa Ñehengagüer rendu sui yayeroya Cristo rese**

Romanos 10.17:

Sese yayeroya Jesucristo rese  
co ñehesa p̄s̄irosa rendusa  
p̄ipe.

## **Yayap̄isaca Tūpa ñehe rese**

Hebreos 4.7b:

Co p̄ipe voi, pesenduse Tūpa  
ñehe, peyep̄hamoatai rene catu  
chupe.



## **Yamboyeroya Jesús porocuita**

San Juan 14.15:

"Che raĩsuse ité peye,  
pemboyeroya catu che  
porocuita" (ehi Jesús).

## **Tūpa Ñehengagüer vïroya vahe sovasaprï secoira**

San Lucas 11.28:

Ahe rumo aipo ehi:

--¡Acoi osendu vahe ité che  
Ru Tūpa Ñehengagüer iyavei  
vïroya vahe ité, ahe sovasaprï  
secoira che Ru Tūpa rovaque!  
--ehi (Jesús) ahe cuña upe.

## **YERURESA**

### **Yeruresa arĩ yacatundar**

1 Tesalonicenses 5.17:

Iyavei peyeroquĩra arĩ yacatu rupi.

### **Tũpa upe porandusa yeruresa pĩpe**

Filipenses 4.6:

"¿Mara ahera pĩha vichico?"  
ndapeyei chira que mbahe rese.  
Iyacatu rumo peyerurera  
opacatu evocoi nungar mbahe  
rese Tũpa uve, peporandura  
evocoi mbahe rese iyavei,  
"Avĩye ndeu" peyera chupe.

## **Jesús yande mbohe yeroquí rese**

Mateo 6.9-13:

"Sese aipo peyera peyeroquí:  
'Ore Ru Tūpa, ÷vave ereico  
vahe, imboeteiprí nde rer  
tasecoi. Tou nde mborerecuasa  
oreu. Tayaposa nde remimbotar  
co ÷ví pípe, inungar ÷vave  
yaposa. Embou ore rembihu arí  
yacatundar oreu co arí pípe.  
Iyavei ndeñero ore angaipa  
rese oreu inungar ore oreñero  
ore amotarēhímbar upe. Ore  
mboangaipa ucai rene eve;  
eipeha mbahe naporai vahe ore  
sui' peyera" (ehi Jesús).

## **"Aviye ndeu" yahera Tūpa upe**

1 Tesalonicenses 5.18:

"Aviye ndeu" peyera Tūpa upe opacatu mbahe rese. Esepia, ahe niha Tūpa oipota yandeu Cristo rese yaico vahe.

## **Tūpa osendu yande yerure**

1 Juan 5.14,15:

Yande rumo yayeroya co rese: yaporanduse mbahe rese Tūpa remimbotar rupi chupe, ahese ahe yande ñehe osendu.

Evocoiyase yaicuase ahe osendu yande yeruresa, yaicua avei mbahe yande porandusa ombou vaherã yandeu.

## **Tūpa rese yeroyasa p̄ipe yayeroqūira**

San Mateo 21.22:

--Indó, acoi peyerurese mbahe  
pe porandusa rese Tūpa rese pe  
yeroyasa p̄ipe, peip̄is̄i itera  
ahe mbahe --ehi (Jesús).

## **Yayeroqūi mbahe t̄ei p̄ipe yande v̄iapiēh̄i āgua**

San Marcos 14.38:

"Pemahemoha, peyeroqūi mbahe  
t̄ei p̄ipe pe v̄iapiēh̄i āgua. Pe  
niha pequerēh̄i ité viña, pe  
retecuer t̄ei rumo nipiratai  
p̄eu" ehi (Jesús).

## **TŪPA UPE MBAHE APOSA**

### **Yayapo mbahe Tūpa upe**

Romanos 12.11:

Peyemonguerēhĩ, aní  
ndapequerēhĩ chira iyavei  
peyapo yande Yar upe mbahe  
opacatu pe recoete pĩpe.

### **Jesús rer pĩpe yande ñemonuhasa**

San Mateo 18.20:

"Esepia, acoi ava ñuvĩrío, que  
mbosapĩ oñemonuhase che rer  
pĩpe yuvĩreco, aheve che aico  
ipāhuve" ehi (Jesús).

## **Ndayamopanei chira yande ñemonuhasa**

Hebreos 10.25:

Ndayamopanei chira yande  
ñemonuhasa Tūpa upe.

Ndayaicoi chira omopane vahe  
nungar, iya rumo

yayemonguerēhĩ catura

ñepei-pei. Esepia, vĩrovĩ arĩ  
yande Yar yevĩ iri ãgua.

## **Yayemombaraisura Cristo rese**

Filipenses 1.29:

Supi eté ndahei Jesucristo

recocuer reroya ãgua güeraño

Tūpa oipota pēu, sese pe

yemombaraisu ãgua avei oipota.

## **Yasapucai Tūpa upe**

Efesios 5.19:

Peñehe catu Salmo p̄ipe,  
opacatu Tūpa upendar sapucaisa  
p̄ipe avei peyeupe; pesapucai,  
pemboetei avei opacatu pe p̄iha  
p̄ipe yande Yar.

## **Yamombehura ñehesa p̄is̄irosa resendar**

San Marcos 16.15:

Ipape aipo ehi güemimbohe upe:  
"Peso opacatu ÷v̄i rupi,  
pemombehu co ñehesa p̄is̄irosa  
resendar peico" (ehi).



## **Yamombehura Cristo recocuer**

Los Hechos 1.8:

"Peipĩsĩra rumo Tũpa pĩratasa  
oiquese Espĩritu Santo pe pĩha  
pĩpe. Ahese pemombehu tuprĩra  
che recocuer Jerusalén pendar  
upe, Judea pendar, Samaria  
pendar iyavei opacatu co ÷vĩ  
pĩpendar upe avei no" ehi  
(Jesús) chupe.

## **Yande v̄hasa p̄pe yamondora porerecosa**

2 Corintios 9.7:

Ñep̄ei-pēi iya op̄ihañemoñetasa  
rupi omondora oporerecosa Tūpa  
upe yuv̄ireco, ndahei chira  
op̄iha v̄iracuasa p̄pe tēi  
iyavei ndahei chiaveira ambuae  
ava ocuai p̄iratasa p̄pe tēi.  
Esepia, Tūpa osaisu ava  
ov̄iharetasa p̄pe omondo vahe  
oporerecosa chupe.

## **POROAISUSA**

### **Yasaĩsura yande amotarẽhĩmbar**

San Mateo 5.44:

"Che rumo aipo ahe pẽu:  
pesaĩsu catu pe amotarẽhĩmbar  
iyavei peyeroquĩ pe momara  
potasar rese" (ehi Jesũs).

### **Yasaĩsura Tũpa**

San Marcos 12.30:

"Eresaĩsura nde Yar Tũpa  
opacatu nde pĩhã pĩpe, opacatu  
nde recocuer pĩpe, opacatu nde  
yapĩsaca pĩpe iyavei opacatu  
nde pĩratasa pĩpe" ehi.

## **Yasaĩsura ava**

San Marcos 12.31:

"Iyavei imoñuvĩriosa  
porocuita ahe co: 'Eresaĩsura  
ambuae ava nde yeaĩsu nungar'  
ehi. Ndipo iri ambuae  
porocuita avĩye catu vahe co  
sui" ehi.

## **Yaico tuprĩ ambuae ava upe**

Efesios 4.32:

Iya rumo peico tuprĩ ambuae  
upe pe yeaĩsusa pĩpe.  
Peñeroño itera peyeupe yepi  
inungar Tũpa iñero Guahĩr  
Cristo rese pẽu.

## **Yayaĩsura ñepei-peĩ**

San Juan 13.34,35:

"Sese co amondo porocuita  
ipĩasu vahe pẽu ñepei-peĩ  
peyaĩsu ãgua inungar che  
opoaĩsu. Peyaĩsuse  
ñepei-peĩ, opacatu tuprĩ ité  
ava oicuarã yuvĩreco che  
remimbohe supĩ eté pe recosa"  
ehĩ.

## **Yande ñeroño itera oyeupe yepi**

San Mateo 18.21,22:

Ipape Pedro oyemboya sese  
oporandu:

--Che Yar, ¿mbovĩ rupi vo  
che ñerora che mboetasa mbahe  
tẽi cheu oyapose? ¿Siete  
yupagüer rupi pĩha? --ehi.

--¡Aní! --ehi--. ¿Setenta  
rupi siete oyupagüer! --ehi  
Pedro upe."

## **Yayapora mbahe av̄iye vahe yande amotarēh̄sar upe**

1 Tesalonicenses 5.15:

Peicua catu pe rereco megua potasar sui. Ndapemboyev̄i chira mbahe-mbahe tēi co pe rereco megua potasar upe. Iyacatu rumo peyapo tupr̄i mbahe av̄iye vahe peyeupe, opacatu ava upe avei no.

## **Yande avara oyeupe**

Romanos 12.13:

Peip̄t̄iv̄i ambuae ava Cristo reroyasar mbahe ipanese chupe, pemohap̄is̄ira ava oyepota vahe pe p̄ri.

## **CRISTO RESE YANDE GUATASA**

### **Cristo yande v̄iracuasa**

Filipenses 4.13:

Aicatu opacatu mbahe uve che yemov̄iracua ãgua. Esepia, Cristo ombou che p̄irata ãgua.

### **Yasecop̄ira mbahe t̄ei mbahe tupr̄i apo p̄ipe**

Romanos 12.21:

Aní mbahe t̄ei upe peyecop̄i uca. Iyacatu rumo pesecop̄ira mbahe-mbahe t̄ei mbahe tupr̄i aposa p̄ipe.



## **Ndayaicoi chira caguar tēi**

Efesios 5.18:

Ndahei chira caguar tēi peico,  
evocoi mbahe ndoporopoꝑsui  
mbahe tēi apo uca āgua. Peico  
catura rumo Espiritu Santo pe  
mbohesa pꝑpe.

## **Cristo sui yande chīsa**

San Lucas 9.26a:

"Esepia, acoi ava yuvꝑnochi ai  
vahe che sui iyavei che  
ñehengagüer sui avei no, che  
avei, Ava Rꝑquehꝑr, ēgüe ahera  
ichui" (ehi Jesús).

## **PĪHAÑEMOÑETA TUPRISA**

**Jesús rupi uguata pota vahe**

San Marcos 8.34:

Evocoiyase Jesús, "Perio" ehi  
güemimbohe upe, iyavei ambuae  
ava rupe aipo ehi:

--Acoi ava uguata pota vahe  
che rupi, topoi mbahe  
güemimbotar tēi aposa sui,  
iyavei inungar-ra curusu rese  
ovosira viña, toyemoingatu  
voi che recocuer rese oparaisu  
āgua iyavei toguata tupri che  
rupi (--ehi Jesús).

## Tecocuer yĩpĩndar iyavei tecocuer pĩasu

1 Pedro 4.3,4:

Ēgüe peye pucu rane niha pe  
rembiapo ai pĩpe peico ava  
Tũpa reroyasarēhĩ recocuer  
nungar rupi tuprĩ. Ahese  
mbahe-mbahe tēi peyapo pe  
pĩhañemoñeta raisa pĩpe,  
savaĩposa, pietasave pe rãse  
tēi pĩpe pe aracuasa pemocañĩ  
pe ĩhu tēisa pĩpe, pemboetei  
avei mbahe rahanga tēi peico.  
Cũritei rumo pe mborĩparer,  
ndoyembovĩhai tēi pe rese,  
ndapeico irise supĩ  
semimbotarai apo ãgua. Ahe  
oñehe-ñehe tēi yuvĩreco pe  
recocuer pĩasu rese.

## **Cristo yande recovesa**

Filipenses 1.21:

Esepia, Cristo che recovesa  
ité secoi; amanose rumo,  
av̄yeyño itera cheu.

## **Cristo rese yande reco p̄iasu**

2 Corintios 5.17:

Evocoyase acoi ava Cristo  
rese ité secoi vahe, ahe  
secocuer ip̄iasu vahe ité;  
ndipo iri eté secocuerai  
ȳip̄indar vahe sese. Opacatu  
ité oyembop̄iasu iri.

## **Yañearora mbahe pota raisa sui**

San Lucas 12.15:

"Peñearo tuprî opacatu mbahe pota raisa sui. Esepia niha, ndahei mbahe rereco atî ãgua pe recocuer" ehi (Jesús).

## **Yandemahenduhara Tūpa rese**

San Mateo 6.33:

"Pemahenduha rane Tūpa rese pe recocuer tuprî pîpe ipovrîve mbahe peyapo ãgua semimbotar rupi, ahese omboura opacatu co mbahe ipane vahe pēu" (ehi Jesús).

## **Yande p̄hañemoñetara mbahe av̄iye vahe rese**

Filipenses 4.8:

Yande p̄hañemoñetara opacatu  
mbahe supi tupr̄i vahe rese,  
poromboetei āgua rese, mbahe  
ih̄i vi vahe rese, mbahe  
maraneh̄i rese, mbahe yande  
mbov̄iha vahe rese, opacatu  
mbahe av̄iye vahe icuapr̄i vahe  
rese. Iyavei yande  
p̄hañemoñetara que ambuae  
mbahe av̄iye vahe rese,  
imboeteipr̄i vahe rese avei.

## Oyemboivete pota vahe

San Marcos 9.35:

Evocoiyase oguap̄save,  
"Periopa" ehi güemimbohe upe,  
aipo ehi avei:

--Oimese pe p̄ahu pendar  
oyemboivete ai vahe, ahe rumo  
seco ïv̄i cot̄i catura opacatu  
sui ava eta p̄it̄iv̄i āgua  
--ehi.

## **Yamombehura mbahe yayavĩ vahe oyeupe**

Santiago 5.16:

Sese pemombehu pe angaipa  
peyeupe, peyeroquĩ avei peyese  
pe yembogüera tuprĩ uca ãgua.  
Ava avĩye vahe oyeruquĩse  
oquerẽhĩsave opacatu güecocuer  
pĩpe, ahe iyeroquĩsa ipĩrata  
itẽ.



## MENDASA RESENDAR

### Mendasa recocuer resendar

San Marcos 10.6-9:

Yip̄suiue ité niha, 'Tūpa  
oyapo opacatu mbahe, oyapo  
avei cuimbahe, cuña reseve.  
Sese niha cuimbahe omendase,  
oyepep̄ira oyesupa sui  
güembireco rese ité yuv̄irecoi  
āgua. Evocoiyase ñuv̄irío  
yuv̄irecoira ñepeí ava nungar.  
Sese ndahei ñuv̄irío, ñepeí  
nungar ité yuv̄irecoira.

## **Omenda vahe yeaʔsusa**

Efesio 5.33:

Ēgüe ehi eté ñepeí-peí pesaʔsu  
pe rembireco pe yeaʔsu nungar.  
Iyavei cuña toamboetei tupr̄  
omer yuv̄ireco.

## **Yamboaracuara yande rah̄ir**

Efesios 6.4:

Iyavei pe iyesupa, pemoñeroʔro  
ucai rene pe rah̄ir. Iyacatu  
rumo pemboacua imboaracuasa  
tupr̄ p̄pe imbohesave avei  
yande Yar upe saʔsusa p̄pe.

## **Chĩhivahe omboyeroyara oyesupa**

Efesios 6.1:

Chĩhivahe, pemboyeroya pe  
yesupa, pe s̃i avei yande Yar  
raĩsu p̃ipe. Esepia, ahe niha  
pe cuaita.

## **ARI IPA VAHE PIPE MBAHE OIME VAHERĀ**

### **Tūpa oporandu itera yande recocuer rese**

Hebreos 9.27:

Supi eté opa rane itera ava  
omano yuvireco, ipare voi  
ñepi reseve oimera porandusa.

### **Oimera oporombopa vahe**

San Mateo 24.11:

Iyavei setá Tūpa ñehe  
mombehusar angahu tēi oimera,  
ahe ava ombopa-mbopa tēira  
yuvireco.

## **Ava oyemov̄iracua vahe oñep̄is̄irora**

San Marcos 13.13:

"Opacatu avei ava ndape  
ambotai chira che recocuer sui  
t̄ei yuv̄ireco. Acoi ava  
oyemov̄iracua vaheño rumo ar̄i  
ipa vahe rupi, ahe ip̄is̄iropr̄i  
yuv̄irecoira" (ehi Jesús).

## **Yande mahemohasa**

San Marcos 13.33:

"Sese niha pemahemohara yepi,  
che r̄ārora peye. Esepia niha,  
ndicuasai che yev̄i āgua" (ehi  
Jesús).

## Yande Yar yevĭ irisa

1 Tesalonicenses 4.16-17:

Esepia, yande Yar ité ogüeyĭ  
irira ĭva sui ou mborerecuar  
ĭvate vahe ñehesa pĭpe; ahese  
oyeendura Arcangel ñehe iyave:  
Tūpa remimbĭ moñehe pĭratasa.  
Ahese seroyasar omano vahecuer  
rane opūhara yuvĭreco. Ipare  
voi yande yaicove vĭte vahe,  
serasoprĭ yaicora opacatu ĭva  
quĭha rese co yande Yar  
rovaĩchi āgua ĭvĭtu rupi.  
Ēgüe yahera yande Yar pĭri  
yaico vaherā apĭrēhĭ.

## Oimera ÷v÷ p÷asu

Apocalipsis 21.1:

Ipore asepia ÷va p÷asu iyavei  
÷v÷ p÷asu. Esepia niha,  
y÷p÷indar vahe mbahe opa ité  
ocañ÷ yuv÷reco, para guasu  
avei no.

## **Ivave yande reco tupr̄isa**

Apocalipsis 21.4:

Ahe niha omomb̄ituhura opacatu  
ava res̄ā; iyavei ava nomanoi  
chietera; ndoyasehoi chira  
yuv̄ireco; ndipoi chira  
v̄iharēh̄isa, tecoas̄isa avei  
chupe. Esepia niha, opacatu  
mbahe oime vahecuer ȳip̄indar,  
ndipo iri eté.



## Uma yuv̄roiquera ÷vave

Apocalipsis 21.27:

Ava angaipa viyar rumo, Tūpa  
remimbotarēh̄ ÷ oyapo vahe,  
iporombopa serai vahe, ahe  
ndoyuv̄roi quei chietera aheve.  
Ēgüe ehi rumo acoi ava v̄ireco  
vahe güerer icuachiapr̄ ÷  
Ovesami cuachiar tecovesa  
resendar p̄ipe yuv̄ireco, ahe  
güeraño yuv̄roiquera aheve."

### Apocalipsis 1.3:

Sorivete catura acoi ava  
oyeroquĩ vahe co Tũpa suindar  
ñehesa rese, acoi ava  
oyapĩsaca tuprĩ vahe sese,  
vĩroya vahe avei icuachiaprĩ  
pĩpendar yuvĩreco. Esepia,  
arĩ cañĩ vĩrovĩ ité yandeu.